

ՏՆՏԵՍԱԿԱՆ ԺԳՆԱԺԱՄԵՐԻ ՏԵՍՈՒԹՅԱՆ ԵՎ ՊԱՏՄՈՒԹՅԱՆ
ՀԱՐՑԵՐԸ ՄԵՆՏՈՐ ԲՈՒՆԻԱԹՅԱՆԻ ՀԵՏԱԶՈՏՈՒԹՅԱՄԲ

ՈՐՈՇԵՐՏ ՍԱՐԻՆՑԱՆ

Դաճասկզբի հայ տնտեսագիտական մտքի պատմության հիշատակվող ա-
նուններից է Մենտոր Աբրահամի Բունիաթյանը: Նա ապրել է երկար կյանք
(1877-1969) և թողել է ընդարձակ գիտական ժառանգություն: Մ. Բունիաթ-
յանը գրել է տնտեսագիտական ամենատարբեր հարցերի մասին, սակայն
նրա գիտական նախասիրությունների մեջ առանձնահատուկ տեղ են գրավում
տնտեսական ճգնաժամերի տեսության ու պատմության հարցերը¹: 1915 թ.
Մոսկվայում, ուր Մ. Բունիաթյանը զբաղեցնում էր համալսարանի տնտեսա-
գիտության ամբիոնի պրոֆեսորի պաշտոնը, լույս է տեսնում նրա «Տնտեսա-
կան ճգնաժամեր» հայտնի աշխատությունը: Դրանում ամբողջական ձևով
շարադրվել և իրենց հետագա զարգացումն են ստացել մինչ այդ Մյունխենում
նրա հրատարակած «Տնտեսական ճգնաժամերի պատմությունը» և «Անգլիա-
կան առևտրական ճգնաժամերի պատմությունը» հետազոտությունների հիմ-
նական դրույթները: Փորձենք ցույց տալ Մ. Բունիաթյանի վաղ շրջանի հայե-
ցությունների հիմնական ուղեգծերը և այն առնչությունները, որ նա հայտարարում
է ժամանակի տնտեսագիտական մտքի ուղղությունների հետ:

Մ. Բունիաթյանի կարծիքով քաղաքատնտեսության մեջ չկա մի այլ պրոբ-
լեմ, որն այնքան բանավեճերի առիթ տար և իր վրա սեեռեր գիտական մտքի
ուշադրությունը, որքան տնտեսական ճգնաժամերի պրոբլեմն է: Հարցի կա-
րևորությունը պայմանավորված է մի շարք հանգամանքներով: Ծգնաժամերը
խախտում են «արտադրության հաստատված կարգը», փոխելով տնտեսական
զարգացման ուղիները, խորացնելով դասակարգային ու սոցիալական ներհա-
կությունները: Բացի այդ, դա այն հանգուցային պրոբլեմն է, որի հետ անմի-
ջականորեն առնչվում ա խաչաձևվում են «քաղաքատնտեսության լոնգհանուր
տեսության» համար կարևոր նշանակություն ունեցող «մի ամբողջ շարք կա-
րևորագույն հարցեր»²: Շրջանառության մեջ դնելով տնտեսական ճգնաժա-
մերի քննությունն ակնկալող ուսև և եվրոպական բազմաթիվ հեղինակների աշ-
խատություններ՝ Մ. Բունիաթյանը փորձում է բացահայտել տնտեսագիտական
ուսմունքներից յուրաքանչյուրի առաջադրած մեթոդոլոգիական սկզբունքներն
ու դիտակետերը: Նրա կարծիքով տնտեսական ճգնաժամերի երևույթը չի տե-
ղագրվում ո՛չ Զ. Միլի ու Ժ. Բ. Մեյի տեսության մեջ, ըստ որի հասարակության
մեջ գոյություն ունի «գնորդների ու վաճառողների մետաֆիզիկ հավասարա-
կշռվածություն», ո՛չ Ժ. Սիսմոնդու ու Կ. Ռոդերիտուսի «թերսպառման» տե-
սության, ո՛չ Կիրխմանի, Մոֆֆատի, Կրոկերի, Մոմմերի ու Հոբսոնի հայե-
ցության մեջ, որն ընդհանուր առմամբ իր մեջ սինթեզում է Լոդերգելի, Ռ.
Մալթուսի, Չոմբրսի ու Ժ. Սիսմոնդու հայացքների ինչ-ինչ տարրերը, ո՛չ Մ.
Տուգան-Բարանովսկու անհամամասնության տեսության մեջ և այլն և այլն³:
Տնտեսագիտական ուսմունքների այս ընդհանուր համակարգում Մ. Բունիաթ-

¹ Այդ մասին հետաքրքրական դիտողություններ են արված հրապարակի վրա եղած հետա-
զոտություններում (տե՛ս Մ. Հ. Ադոնց, Հայաստանի ժողովրդական տնտեսությունը և հայ
տնտեսագիտական միտքը XX դարի սկզբին, Երևան 1968, էջ 355—358, ն. Ռ. Թովմասյան,
Ֆ. Ա. Ֆարմանյան, Մ. Բունիաթյանի և Զ. Քեյնսի տնտեսական ճգնաժամերի տեսություն-
ների առնչությունների հարցի շուրջ (ԵՀայաստանի ժողովրդական տնտեսություն, 1983, № 13):

² М. А. Бунятян, Экономические кризисы. М., 1915, с. V.

³ Նույն տեղում:

յանն առանձնահատուկ տեղ է հատկացնում Ժ. Սիսմոնդուն, որի «տեսական սխեմաները» թեև կառուցված էին թույլ հիմքի վրա, այնուամենայնիվ, «արգասարբեր» եղան պրոբլեմի հետագա հետազոտության համար:

Ինչ խոսք, Ժ. Սիսմոնդու ծառայությունը որոշակի է կապիտալիստական վերարտադրության հակասությունների և հատկապես արտադրության ու ըսպառման միջև գոյություն ունեցող հակասության պարզաբանման առումով, սակայն Մ. Բունիաթյանը վրիպում է, ենթադրելով, թե Ժ. Սիսմոնդու ու Կ. Ռոդերստուսի «գաղափարներն իրենց հետագա զարգացումն ստացան Կ. Մարքսի մոտ»⁴: Սա նշանակում է նույն առանցքի վրա դնել մեթոդոլոգիական առումով երկու հակադիր տեսություններ: Ժ. Սիսմոնդին և Կ. Ռոդերստուսը ճգնաժամների բացատրության հարցում ելակետ էին ընդունում բաշխման ու սպառման ոլորտները, մինչդեռ Կ. Մարքսը իբրև ելակետ ընդունում էր արտադրությունը, հանգամանք, որը սկզբունքային տարբերություններ է հայտարարում տնտեսական նույն երևույթի մեկնաբանության, վերլուծության մեկնակետի ու հետազոտական շահավիճակների իմաստով: «Ճգնաժամների այդ երկու տեսությունները, — գրել է Վ. Ի. Լենինը, — որոնց մասին մենք խոսում ենք, նրանց բոլորովին տարբեր բացատրություններ են տալիս: Առաջին տեսությունը ճգնաժամերը բացատրում է արտադրության և բանվոր դասակարգի սպառման միջև եղած հակասությամբ, երկրորդը՝ արտադրության հասարակական բնույթի և յուրացման մասնավոր բնույթի միջև եղած հակասությամբ: Հետևաբար, առաջինը երևույթի արմատը տեսնում է արտադրությունից դուրս... երկրորդը՝ հենց արտադրության պայմանների մեջ: Ավելի կարճ ասած՝ առաջինը ճգնաժամերը բացատրում է անբավարար սպառումով (Unterconsumption), երկրորդը՝ արտադրության անկարգությամբ»⁵:

Կ. Մարքսի տնտեսական ուսմունքի հանդեպ Մ. Բունիաթյանի ունեցած նեղ հայացքը բերում է ժամանակի տեսական մտածողության մեջ (Ջ. Լեսկյուր, Ռ. Հիլֆերդինգ, Մ. Տուգան-Բարանովսկի և ուրիշների մոտ) տեղ գտած այն չմտածված բնորոշմանը, թե Կ. Մարքսի ճգնաժամների տեսությունը չի համընկնում «իրականության հետ» և խաբսխվելով «շահույթի անկման օրենքի վրա», «շատ բաներում անբավարար է, ոչ ճիշտ և հակասական»⁶: Մ. Բունիաթյանը չի նկատում, որ շահույթի նորմայի անկման միտման օրենքում առավել հստակորեն է դրսևորվում այն հակասությունը, որ գոյություն ունի արտադրության հասարակական բնույթի և յուրացման մասնավոր կապիտալիստական ձևի միջև: Այստեղից էլ նրա այն «փաստարկները», թե Կ. Մարքսի ուսմունքը չի արտացոլում տնտեսական կյանքի իրական ընթացքը, քանի որ նախաճգնաժամային փուլում տեղի է ունենում ոչ թե շահույթի անկում, այլ բարձրացում, թե աշխատանքի արտադրողականության բարձրացումը զուգորդվում է ընդհանուր արդյունքի մեջ բանվորների բաժնի քչացումով և կապիտալիստների՝ բաժնի մեծացումով, որը նպաստում է կապիտալից ստացվող շահույթի մեծացմանը և այլն⁷: Մ. Բունիաթյանը չի տարբերակում շահույթի նորմա և շահույթի մասսա հասկացությունները: Դրանք ըստ էության նրա մոտ նույնացված են: Նրան թվում է, որ եթե շահույթի նորման անկման միտում ունի, ապա նույն օրենքին պիտի ենթարկվի նաև շահույթի մասսան: Մինչդեռ հայտնի է, որ դրանք ցուցաբերում են հակառակ շարժում: Այս հակասականությունը, ինչպես նկատել է Կ. Մարքսը, բխում է կապիտալիստական կուտակման օրենքի հակասականությունից⁸: Շահույթի միջին նորմայի անկման միտումի օրենքի՝ Մ. Բունիաթյանի ըմբռնումը պատահական վրիպում չէր, ասա կազմում է այն խորհրդավոր գաղտնիքը, որի լուծ-

⁴ Նույն տեղում, էջ XXII, նկատենք, որ հարցի այսպիսի դրվածքը նորություն չէր: Իսրայելզերին նույն զուգահեռը անց էր կացնում նաև Կ. Կառլսկին:

⁵ Վ. Ի. Լենին, ԵԼԺ, հ. 2, էջ 196:

⁶ М. А. Бунятян, ԵԶԺ, աշխ., էջ XXIV:

⁷ Նույն տեղում, էջ XXIV—XXVI:

⁸ Կ. Մարքս, Կապիտալ, հ. 3, առաջին մաս, Երևան, 1947, էջ 232:

ման շուրջ պտուղտ է զալիս ամբողջ քաղաքատնտեսությունն Ադամ Սմիթից սկսած, և որ Ադամ Սմիթից հետո տարբեր դպրոցների միջև եղած զանազանությունը հենց այս գաղտնիքի լուծման տարբեր փորձերն են կազմում»⁹։

Մ. Բունիաթյանը տնտեսական ճգնաժամերը համարում է «կապիտալիստական տնտեսության ցիկլային զարգացման շրջադարձային կետերը»։ Կապիտալի ճգնաժամը նրա կարծիքով նոր երևույթ չէ և երբ «տնտեսական օրգանիզմը» խարսխվել է մասնավոր սեփականության ու աշխատանքի բաժանման վրա, այն ներփակել է կապիտալի ճգնաժամի նախնական պայմանները¹⁰։ Այս հարցադրման մեջ առկա է հակապատմական հայացքը։ Եվ պատահական չէ, որ Մ. Բունիաթյանը կապիտալիզմ էր փնտրում նաև ստրկատիրական Հռոմում, անտիկ աշխարհի պատմության հայտնի մասնագետ Մոմզենի պես արտադրության կապիտալիստական եղանակ տեսնելով ամեն մի «փողային տնտեսության մեջ»¹¹։ Այնուամենայնիվ, Մ. Բունիաթյանը գտնում է, որ եթե վաղ ժամանակներում ճգնաժամերն ընդգրկում էին շրջանառության ոլորտը, ապա XVIII դ. վերջերից սկսած՝ կապված տնտեսական կյանքի զարգացման, մասնավոր կապիտալիստական ձեռնբեցության ուժեղացման ու կապիտալի արտադրողական կիրառման հետ՝ բնորոշ են դառնում արդյունաբերական ճգնաժամերը, որոնք, իրենց ազդեցությունն ունենալով նաև մյուս բնագավառների վրա, հանդես են գալիս որպես ճնշման տնտեսական ճգնաժամեր»։ Ինչպես տեսնում ենք, Մ. Բունիաթյանն իրավացիորեն տնտեսական ճգնաժամերի առկայությունը կապում է արտադրության ոլորտի հետ, ի տարբերություն վարկադրամային տնտեսության կողմնակիցների, նշելով, որ «դրամական ու վարկային ճգնաժամերը դրանք լուրջ արտադրության և բաշխման պրոցեսների խախտումներն արտացոլող երկրորդական զուգահեռ երևույթներ են»¹²։ Սակայն չի կարելի հավաստի համարել նրա այն կարծիքը, ըստ որի XVIII դ. երկրորդ կեսին Անգլիայի, իսկ այնուհետև մյուս զարգացած երկրների տնտեսական պատմության առաջին ժամանակամիջոցն է, երբ ցիկլային զարգացումն ընդունում է կանոնավոր բնույթ։ Ճիշտ է, այդ ժամանակաշրջանում ճգնաժամերն ընդունում են որոշ կանոնավոր բնույթ ու թեև զգացվում էին արդյունաբերական հեղաշրջման «ստորերկրյա ցնցումները», այնուհանդերձ դեռևս բացակայում էր ցիկլային զարգացման նյութական հիմքը՝ ֆաբրիկա-գործարանային արտադրությունը։ Հենց այս իմաստով էր Կ. Մարքսը շեշտում, որ «միայն 1825 թվականի ճգնաժամով են սկսվում նրա (կապիտալիստական արդյունաբերության — Ռ. Ս.) արդի կյանքի պարբերական շրջապտույտները»¹³։

Մ. Բունիաթյանը նկատում է, որ տնտեսական ճգնաժամերը կազմալուծում են վերարտադրության բոլոր պրոցեսները, իրենց դրսևորումներն ունենալով տնտեսական կյանքի ամենատարբեր բնագավառներում։ Այս իմաստով նա, տալով ճգնաժամերի «մորֆոլոգիան», հետաքրքրական դիտողություններ է անում դրամական, վարկային, ապրանքային, բիրժային և սպեկուլյատիվ, արդյունաբերական ու ագրարային ճգնաժամերից յուրաքանչյուրի առանձնահատկությունների, ծագման ու ընթացքի վերաբերյալ։ Դրանք, լինելով հասարակական վերարտադրության ընդհանուր համակարգի բաղկացուցիչ մասերը, «տնտեսական երևույթներից կտրած աբստրակցիաներ» են, որոնք իրականում դառնում են փոխադարձ կապի մեջ։ Մ. Բունիաթյանն արդյունաբերական ճգնաժամերը համարում է ավելի «բարդ երևույթներ», որոնք «երկրի տնտեսական բարեկեցության» վրա ավելի խոր ու բացասական հետևանքներ են առնում։ Աշխատանքի հասարակական բաժանումը ժողովրդական տնտեսության ճյուղերը դնում է փոխադարձ կախվածության մեջ և այս կամ այն օղակում խախտումը «անբնական» վիճակ է ստեղծում նաև մյուս

⁹ Նույն տեղում, էջ 194։

¹⁰ М. А. Бунятян, նշվ. աշխ., էջ 9—10

¹¹ Կ. Մարքս, Կապիտալ, հ. 3, Երկրորդ մաս, Երևան, 1949, էջ 325։

¹² М. А. Бунятян, նշվ. աշխ., էջ 84։

¹³ Կ. Մարքս, Կապիտալ, հ. 1, Երևան, 1954, էջ 12։

ճյուղերի համար: Այլ դեպքում ճգնաժամը մի ճյուղում կարող է նպաստել մի այլի զարգացմանը, ինչպես «բամբակի սովը» 1760-ական թվականներին, որը եթե մի կողմից «չլատեց» բամբակեղենի արդյունաբերությունը, ապա մյուս կողմից՝ բրդե և վուշի արդյունաբերության զարգացման խթան հանդիսացավ: Տնտեսագետներ Բերինգը, Տուկը, Չալմերսը, Անդերսոնը և ուրիշներ Անգլիայի 1793 թ. տնտեսական ճգնաժամի պատճառը որոնում էին անգլո-ֆրանսիական պատերազմի կամ էլ վարկային սխտեմի մեջ: Մինչդեռ Մ. Բունիաթյանն իրավացիորեն դրանք համարում է գերարտադրության ճգնաժամեր: «1793 թվականի ճգնաժամը, — գրում է նա, — ամենածանրն էր Անգլիայում մինչ այդ եղած ճգնաժամերից և առաջին ամենախոշոր արդյունաբերական ճգնաժամը... 1793 թ. ճգնաժամի պատճառը եղել է առևտրի և արդյունաբերության հանկարծակի փերելը...: Չնայած սպառման հարաբերական մեծ աճին, արտադրանքն ավելացել էր անհամեմատ մեծ մասշտաբներով, քան ներքին ու արտաքին շուկաների տարողությունն էր: ...Անկումը պայմանավորված էր ներքին ու արտաքին շուկաները բրիտանական ապրանքների գերլցումով, բայց չի հանդիսացել դրամական ճգնաժամի կամ պատերազմի ազդեցության մտնոսական գործունեության թուլացման հետևանքը»¹⁴:

Կապիտալիստական վերարտադրության բոլոր ներհակությունները դրսևվորվում են արդյունաբերական ցիկլի ճգնաժամի փուլում: Թեև դեպրեսիան դեռևս բնորոշվում է արտադրության լճացումով, ապրանքների գների ցածր մակարդակով ու շահույթի ցածր նորմայով, այնուամենայնիվ, արտադրության շափերի կրճատման հետևանքով որոշ հավասարակշռվածություն է ըստեղծվում առաջարկի ու պահանջարկի միջև և աշխուժացման ու վերելքի փուլին անցնելու պայմաններ են առաջանում: Մ. Բունիաթյանը հատկապես կարևոր է դիտում հիմնական կապիտալի նորացման հարցը, հանգեցնելով մի կարևոր հետևության, ըստ որի տեխնիկական կատարելագործությունները հնարավորություն են տալիս «արդյունքներն էժանացնելով, սպառումն ընդլայնելով և նոր պահանջարկներ ծնելով, դնելու նոր շրջանի վերելքի հիմքը»¹⁵, նա գտնում էր, թե իբր Ֆ. Էնգելսն արդյունաբերական ցիկլի դեպրեսիայի փուլը հավասարեցնում է ճգնաժամի փուլի հետ և թերևս այդ պատճառով էլ XIX դ. առաջին կեսի Անգլիայի տնտեսական ճգնաժամերը դիտում որպես հնգամյա կտրվածքով կրկնվող ճգնաժամեր¹⁶: Մինչդեռ Ֆ. Էնգելսը ցույց է տալիս արդյունաբերական ցիկլի առանձնահատկությունները: Եթե նա 1847-1867 թթ. ցիկլը համարում էր «վճռականորեն տասնամյա» ցիկլ, ապա 1815-1847 թվականների «համաշխարհային առևտրի մանկության ժամանակի» ցիկլները համարում է «մոտավորապես հնգամյա ճգնաժամեր»: Եվ իրոք, ինչպես վկայում է Անգլիայի տնտեսական զարգացման պատմությունը, 1815-1847 թթ. բոլոր խոշոր ճգնաժամերը միջնորդվել են հնգամյա ճգնաժամերով: Բանն այն է, որ XIX դ. երկրորդ կեսին, կապված համաշխարհային շուկայի ստեղծման հետ, արդյունաբերական ցիկլի փուլերը ձեռք են բերում որոշ առանձնահատկություններ: Հենց այս նկատի ունի Ֆ. Էնգելսը. երբ գրում էր, թե «Պարբերական պրոցեսի սուր ձևն իր մինչև ժամանակ տասնամյա ցիկլով, ըստ երևույթի, տեղի է տվել ավելի խրոնիկական, ավելի երկար ձգձգվող և տարբեր ժամանակներում արդյունաբերական տարբեր երկրների վրա տարածվող մի հերթափոխության, որն արտահայտվում է գործերի համեմատաբար կարճ, թույլ լավացումով և համեմատորեն ավելի երկարատև, լուծումն չգտնող ճնշումով»¹⁷:

Գերարտադրության ճգնաժամերը բնորոշ են ոչ միայն կապիտալիստական արդյունաբերությանը, այլև գյուղատնտեսությանը: Մ. Բունիաթյանը դրանք անվանում է «էկզոգենետիկ բնույթի» ճգնաժամեր, որոնք թեև տեղի են ու-

¹⁴ Կենդանույն տե՛ս Л. А. Менделеев, Теория и история экономических кризисов и циклов, т. 1, М., 1959, с. 278.

¹⁵ М. А. Бунятян, Կրկ. աշխ., էջ 69.

¹⁶ Նույն տեղում, էջ 15:

¹⁷ Կ. Մ. Մ. Կապիտալ, հ. 3, երրորդ մաս, էջ 29:

նենում ոչ այնպիսի պարբերականությամբ, ինչպես արդյունաբերության մեջ, սակայն իրենց ազդեցությունն ունեն «տնտեսական կյանքի ցիկլային զարգացման վրա»: Ինչպես և շատ տնտեսագետներ (Ս. Ջևոնս, Վ. Ջոնսթոն, Մուր), նա ընդունում էր ցիկլային տատանումները գյուղատնտեսության մեջ, սակայն գյուղատնտեսական արդյունքների և գների տատանումները կախման մեջ դնելով բնակլիմայական պայմաններից, ճգնաժամերը ներկայացնում էր որպես բերքատվության տատանումների հետևանք: Ագրարային ճգնաժամերըն այսպիսով, — գրում է Մ. Բունիաթյանը, — ըստ իրենց ծագման ներկայացնում են որպես կա՛մ արտադրության, կա՛մ բաշխման ֆենոմեն: Առաջին դեպքում այն պայմանավորվում է արտադրությունը քայքայող անբարենպաստ մթնոլորտային պայմաններով, երկրորդում՝ այն ներկայացնում է ժամանակակից տնտեսական կադակերպության և գնի բաշխման ֆունկցիայի հետեւանք, որն առատ բերքատվության կամ արտադրության ընդլայնման ժամանակ անբարենպաստ է անդրադառնում գյուղական սեփականատերերի վրա և նվազեցնում է նրանց բաժինը հասարակական արդյունքում»¹⁸:

Ինչպես տեսնում ենք, Մ. Բունիաթյանը թեև ագրարային ճգնաժամերի առկայությունը կապում է կապիտալիստական տնտեսակարգի հետ, դիտողություններ անում այդ ճգնաժամերի երկարատև բնույթի, ռենտայի լափերի, գրների տատանումների և այլ հարցերի մասին, այնուամենայնիվ, որոշակի տեղ է հատկացնում բնակլիմայական գործոնին, փաստորեն արտադրության և ըսպառման հակասությունն ածանցելով վերջինից:

Մ. Բունիաթյանը ժողովրդական տնտեսության պարբերական ցնցումների պատճառները մի մասով էլ պայմանավորում է տնտեսական կյանքի կադակերպական տեխնիկական թերություններով: «Ժամանակակից տնտեսական կադակերպությունը, — գրում է նա, — հեռու է այնպիսին լինելուց, որ բրաշխավորի տնտեսական կյանքի կատարյալ և ներդաշնակ զարգացումը: Ընդհակառակը, այն իր մեջ ամփոփում է նրա ներդաշնակ զարգացմանը և տնտեսական խանգարմանը հեշտ առիթ տվող մի շարք մոմենտներ»¹⁹: Մասնավորապես խոսքը վերաբերում է մասնավոր սեփականության և աշխատանքի բաժանման սկզբունքների առկայությանը: Ինչպես արդեն նկատել ենք, Մ. Բունիաթյանը տնտեսական ճգնաժամեր էր փնտրում այն բոլոր տնտեսաձևերում, որոնցում առկա են այդ երկու սկզբունքները: Սակայն աշխատանքի բաժանման խորացումը կապիտալիզմի պայմաններում «օրգանական կապ» ու «կախվածություն» է ստեղծում ձեռնարկությունների միջև, որոնք իրենց տրենտեսական ինքնորոշման մեջ մնալով իրարից անկախ՝ միաժամանակ հանդես են գալիս որպես «հասարակական տնտեսության անբաժանելի մասեր»: Հասարակական արտադրության ղեկավար սկզբունքը դառնում է ոչ թե ապրանքի, այլ «արժեքի» արտադրությունը, իսկ որքանով այն իրականացվում է տարբերային ձևով՝ առաջ է գալիս հակասություն մի կողմից մասնավոր տնտեսական շահերի, իսկ մյուս կողմից՝ դրանց ու հասարակական շահերի միջև, որը դրսևորվում է հասարակական արտադրության ու պահանջարկների ու սպառման միջև գոյություն ունեցող հակասության ձևով: Իսկ որքանով բացակայում է «ժողովրդատնտեսական օրգանիզմի առանձին անդամների տնտեսական գործունեությունը՝ կարգավորող մարմինը», ուստի և տնտեսական կյանքը չի կարող զերծ լինել խափանումներից: Եթե արտադրության և սպառման միջև հակասության վերաբերյալ Մ. Բունիաթյանի դատողությունները որոշակի արժեք են ներկայացնում, ապա ճիշտ չպիտի համարել նրա մտորումները գների մեխանիզմի մասին որպես արտադրության ու սպառման «հավասարակշռվածությունը» խախտող աղբյուրի, առավել ևս երբ գների հիմքում դրվում է առաջարկի ու պահանջարկի օրենքը՝ սինթեզված «ավստրիական դպրոցի» սահմանային օգտակարության տեսությամբ: Հարցադրումը պատահական չէր: Հայտնի է, որ XVIII դ. սկսվում է հոգեբանության առանձնացումը իբրև գի-

¹⁸ М. А. Бунятян, *ibid.*, աղբ., էջ 80.

¹⁹ Նույն տեղում, էջ 91.

առության առանձին բնագավառի և արդեն XIX դ. երկրորդ կեսին և հատկապես XX դ. սկզբներին կապված էքսպերիմենտալ հոգեբանության առաջացման հետ, սկսվում է այդ գիտության տարեգրությունը: Ի հայտ է գալիս հոգեբանական դպրոցը սոցիոլոգիայում, որը հասարակական երևույթների հիմքում դնում էր անհատի կամ մարդկանց առանձին խմբերի ու կոլեկտիվների հոգեբանական գործոնները: էքսպերիմենտալ և դիֆերենցիալ հոգեբանության ձեռքբերումները սկսում են օգտագործել էկոնոմիկայում և արդյունաբերության մեջ²⁰: Այդ հանգամանքն անհետևանք չմնաց նաև տնտեսական գիտության բնագավառում: Փորձեր էին արվում տնտեսական երևույթների պատճառակցական կապի ու կախվածության հարցերը մեկնաբանել հենց այդ դիտակետից: Այս առումով էլ Մ. Բունիաթյանը շեշտում է, որ Ս. Ջևոնսի, Կ. Մենգերի ու Ա. Վալրասի «նոր տեսությունը» իր տարողունակությամբ հանդես է թեև չի ընդգրկում տնտեսական բոլոր երևույթների բացատրությունը ու թեև «այդ ճիշտ ճանապարհը որոշված է ընդհանուր գծերով», սակայն միակն է, որը հնարավորություն է տալիս տեսականորեն հիմնավորել բարիքների համընդհանուր արժեզրկման, հետևապես նաև «համընդհանուր գերատաղրության» հասկացությունները, ինչպես նաև բացատրել գների կազմավորումն ու շարժումը և վերջինիս հետ կապված բաշխման շարժման հետևանքները, իբրև «էկոնոմիկոսոփայի տեսության անհրաժեշտ հիմքի»²¹: Միանգամայն որոշակի է տնտեսագետի այն գլխավոր տեսական ելակետը, որից սկսվում է հարցի բացատրությունը: Ինչպես և ավստրիական դպրոցի ներկայացուցիչները, Մ. Բունիաթյանը ապրանքի արժեքի հարցը դիտարկում է սուբյեկտիվ արժեքի և օբյեկտիվ արժեքի կարվածքով: Վկայակոչումներ անելով Կ. Մենգերից և Ս. Ջևոնսից, նա տարբերակում է բացարձակ սուբյեկտիվ արժեք և հարաբերական սուբյեկտիվ արժեք հասկացությունները: Առաջինը տվյալ անհատի համար որոշակի բարիքի նշանակությունն է՝ կախված պահանջմունքի կարևորության աստիճանից և տվյալ ժամանակում այդ բարիքի առկա քանակի ու պետքականության մեծության հարաբերակցությունը, որը որպես արժեք տվյալ սուբյեկտի համար ներկայացնում է հայտնի բացարձակ մեծություն: Իսկ հարաբերական սուբյեկտիվ արժեքն այդ բարիքի (մյուսների հետ համեմատած) այն նշանակությունն է սուբյեկտի համար, որը կապված է նրա օգտակարության և հազվագյուտության հետ: «Այսպիսով, — եզրակացնում է Մ. Բունիաթյանը, — արժեքը հանդիսանում է այ թե բարեկեցության, այլ մարդկանց անբավարարվածության չափանիշը: Օգտակարությունը, ճիշտ է, հանդիսանում է բարիքների արժեքի անհրաժեշտ պայմանը, բայց վերջինիս աղբյուրը բարիքների անբավարարվածությունն է կամ հազվագյուտությունը... հետևապես հենց որ պահանջմունքների բավարարումը դառնում է լրիվ և իջնում է բարիքների սահմանային օգտակարությունը, ընկնում է և դրանց արժեքը»²²: Արժեքի վերաբերյալ Մ. Բունիաթյանի դիտողությունները շեն արտացոլում տնտեսական պրոցեսների դիալեկտիկան և այդ պրոցեսների ճանաչողությունը դնում են այլ տարածքի մեջ: Արժեքի հարցը հանգեցնել իրերի հանդիպմարդկանց ունեցած հարաբերություններին, ալն նշանակությանը, որ ունեն նյութական բարիքները սուբյեկտիվ բավարարվածության տեսանկյունից, նշանակում է տնտեսական կատեգորիաները ներկայացնել որպես բովանդակազուրկ հասկացություններ: Տնտեսվարող անհատը սոցիալական էակ է և իր, պահանջմունքներով հանդերձ պետք է դիտվի կոնկրետ հասարակական տրնտեսական հարաբերությունների մեջ: Կ. Մարքսը գերմանացի տնտեսագետ Ա. Վալենրի «Քաղաքատնտեսության դասագրքի» վերաբերյալ դիտողություններում նկատել է, որ մարդը, եթե նկատի է առնվում բնությանը դիմակայած մեկուսացած մարդուն, ապա նրան պետք է դիտել որպես ոչ հոտային կենդանի, իսկ եթե այդ մարդն ապրում է հասարակության որևէ ձևում, ապա իբրև.

20 М. Г. Ярошевский, История психологии, М., 1976, с. 298.

21 М. А. Бунятян, նշվ. աշխ., էջ 110, XXX.

22 նույն աշխ., էջ 113:

ելակետ պետք է ընդունել հասարակական մարդու որոշակի բնույթը, այսինքն հասարակության որոշակի բնույթը, որում նա ապրում է²³:

Մ. Բունիաթյանը սուբյեկտիվ արժեքի տեսությունից անցնում է օբյեկտիվ արժեքի տեսությանը, այսինքն բարիքների հասարակական արժեքի կազմավորման բացատրությանը: Նա գտնում է, որ ճիշտ կլիներ սուբյեկտիվ դպրոցի տեսությունը համարել «բարիքների բացարձակ հասարակական արժեք» հասկացությամբ, որն իր բովանդակությամբ համապատասխանում է սուբյեկտիվ բացարձակ արժեք հասկացությանը և որը որոշվում է սահմանային հասարակական օգտակարությամբ ճիշտ այնպես, ինչպես բացարձակ սուբյեկտիվ արժեքը որոշվում է սուբյեկտիվ սահմանային օգտակարությամբ: Մ. Բունիաթյանի մոտ, ինչպես դա Բեմ-Բավերկի մոտ էր, օբյեկտիվ արժեքը ոչ այլ ինչ է, քան «սուբյեկտիվ արժեքների» բախումից առաջացած արժեք, որի հիմքում ընկած է բարիքների հասարակական սահմանային օգտակարությունը: «Վերջինս, — գրում է Մ. Բունիաթյանը, — հասարակության համար կատարում է նույն ֆունկցիան, ինչը և սուբյեկտիվ սահմանային օգտակարությունն անհատական տնտեսության համար, այսինքն այն որոշում է բարիքների բացարձակ հասարակական արժեքը և դրա միջոցով կարգավորում է ժողովրդական տնտեսության մեջ արտադրությունն ու սպառումը»²⁴: Եթե նրա «սուբյեկտիվ արժեքի» հիմքում ընկած է սահմանային օգտակարությունն առանձին անհատի համար, ապա հասարակական սահմանային օգտակարությունը որոշվում է սահմանային գնորդով: Իրավացի է Վ. Աֆանասևի այն նկատումը, որ բուրժուական քաղաքատնտեսության մեջ սուբյեկտիվ դպրոցն իր հիմքում ունի երկու հիմնական իմացաբանական արմատ: Դա մի կողմից մարդկանց հոգեբանությունից իրականում գոյություն ունեցող տնտեսական պրոցեսների (գերադասապես դրանց ձևերի) կախվածության գերադասատումն է, մյուս կողմից՝ ճանաչման՝ պրոցեսի այն մոմենտի բացարձակացումը, որը կապված է նրա մեջ իրականության ընկալման սուբյեկտիվ առանձնահատկություններ մըտցնելու հետ²⁵: Թերևս դրանով պիտի բացատրել այն հանգամանքը, որ անդադառնալով սուբյեկտիվ արժեքի փոփոխությանը, Մ. Բունիաթյանը բերքատվությունից կախված հացահատիկի գների կազմավորումը բացատրում է Արթուր Կինգի կողմից ձևակերպված և Ս. Զևոնսի կողմից մաթեմատիկորեն արտահայտված այն օրենքով, ըստ որի բերքատվության փոփոխությունը թվաբանական պրոգրեսիայով, գինը փոփոխում է մոտավորապես երկրաչափական պրոգրեսիայով, բերքատվության նկատմամբ հակառակ ուղղությամբ: Ընդ որում, նա գտնում է, որ այդ օրենքը զարմանալի համապատասխանություն է հայտաբերում Վերներ-Ֆեխների պսիխո-ֆիզիկական այն հիմնական օրենքի հետ, ըստ որի զգացողություններն աճում կամ թուլանում են երկրաչափական պրոգրեսիայով, երբ այդ զգացողություններն առաջ բերող գրգռման ուժը մեծանում կամ փոքրանում է թվաբանական պրոգրեսիայով: Այստեղից էլ պսիխո-ֆիզիկական օրենքը արտահայտելով արժեքի տեսության լեզվով, Մ. Բունիաթյանը նույն տրամաբանությամբ ձևակերպում է սուբյեկտիվ արժեքի սկզբունքը²⁶: Մ. Բունիաթյանի մոտ փաստորեն կապիտալիստական ապրանքային արտադրության իմանենտ էստեգորիաներին փոխարինում են վերապատմական հասկացությունները: «Հասարակական բացարձակ արժեքի» նրա կոնցեպցիան ենթադրում է ոչ միայն աշխատանքի պրոցեսի՝ որպես անհատների հասարակության հետ ունեցած կապերի ու «որպես արտադրողների սոցիալական կապերի ու ինտեգրացիայի կարևորագույն օղակի»²⁷ անտեսում, այլև աշխատանքի՝ իբրև արժեքի, մեծության սուբստանցի

²³ К. Маркс, Ф. Энгельс, Соч., т. 19, с. 376—377.

²⁴ М. А. Бунятян, նույն տեղում, էջ 115:

²⁵ Вл. Афанасьев, Этапы развития буржуазной политической экономики, М., 1971, с. 310.

²⁶ М. А. Бунятян, նշվ. աշխ., էջ 144—146:

²⁷ Р. Штольберг, Социология труда, М., 1982, с. 12.

անտեսում: Այն ըստ էության խարսխված է առաջարկի ու պահանջարկի տեսության վրա, որի համաձայն ապրանքների գներն ուղղակի համեմատական են այդ ապրանքների նկատմամբ եղած պահանջարկին և հակադարձ համեմատական են դրանց քանակությանը: Նույնն էր պնդում նաև Մ. Բունիաթյանը. սակայն նրա ելակետն իրերի սուբյեկտիվ գնահատումների սկզբունքն էր, որպես իրար հավասարակշռող սկզբունքների: Հարցն այդ կտրվածքով էր դնում նաև Բեմ-Բավերկը, որը նպատակ ունենալով բացահայտել «օրթոդոքսալ քաղաքատնտեսության» նկատմամբ իր դոկտրինայի տարբերությունները, գրում էր, թե «...հին տեսության բոլոր թերությունները բխում են մի աղբյուրից, ուստի և դրանք կարելի է արմատախիլ անել մի հարվածով. ամբողջ ուսմունքի կենտրոնում հարկավոր է դնել այն միտքը, որ գինը ամբողջապես հանդիսանում է փոխանակությանը մասնակիցների կողմից նյութական բարիքների սուբյեկտիվ գնահատումների արդյունքը»²⁸: Մ. Բունիաթյանը թեև փողի վերաբերյալ արտահայտում է առանձին «ռացիոնալ մտքեր», սակայն դրանք ընդհանուր առմամբ տեղադրվում են սուբյեկտիվ դպրոցի քառակուսում: Ավելին. Մ. Բունիաթյանը սուբյեկտիվ դպրոցի տեսաբանների թերություններից էր համարում այն, որ նրանք խոստովում կամ դժվարանում էին փողի արժեքի կազմավորումը բացատրել տնտեսական բարիքների արժեքի կազմավորման սահմանային օգտակարության ընդհանուր օրենքին համապատասխան: Մինչդեռ միայն այդ ձևով փողը կարելի է դարձնել ոչ միայն գների չափ, այլ նաև բարիքների արժեք»²⁹: Այստեղից էլ Մ. Բունիաթյանի՝ փողը որպես տեխնիկական միջոց դիտելու մտայնությունը, որը տնտեսական բարիքների գնահատությունը դարձնում է միատարր և չափում դրանց «փոխանակային արժեքը»: Ու թեև տնտեսագետը խոսում է փողի արժեքի ու ապրանքների գների շարժման ինչ-ինչ կողմերի մասին, բոլոր դեպքերում նրա դատողությունները ենթակա են սահմանային օգտակարության չափանիշներին: Այստեղից էլ գների շարժման այն բացատրությունը, թե «բարիքների քանակի սաստիկ ավելացման ժամանակ, դրանց սահմանային օգտակարությունն առանձին տնտեսություններում պետք է իջնի, քանի որ այդ բարիքների վերջին քանակությունները համապատասխանելու են դրանց նկատմամբ նվազ ինտենսիվություն, ունեցող անհրաժեշտությունը: Հետևապես պետք է իջնի և բարիքների հասարակական սահմանային օգտակարությունը: Վերջինս, ընդհակառակը, բարիքների քաղաքական կամ նույնիսկ սպառման նորմալ աճին չհամապատասխանող արտադրության աճի նշանակալից դանդաղեցման ժամանակ պետք է բարձրանա: Բարիքների հասարակական արժեքի այդ տատանումներն էլ իրենց արտահայտությունն են գտնում դրանց գների պարբերական տատանումներում»³⁰: Ստացվում է, որ ապրանքների հասարակական արժեքը որոշվում է որանց սահմանային օգտակարությամբ, իսկ դա էլ պայմանավորում է գների պարբերական շարժման պրոցեսը: Մ. Բունիաթյանը փաստորեն ճշգրտաբանության պրոցեսի մեջ մտցնում է ապրանքներն առանց գնի, իսկ ոսկին ու արծաթը՝ առանց արժեքի»³¹: Այստեղից էլ նրա տուրքը փողի քանակային տեսությանը: Մ. Բունիաթյանը նյութական բարիքները բաժանում է անմիջական սպառման առարկաների և արտադրական սպառման առարկաների: Վերջիններս այսպես կոչված «բարձրագույն կարգի բարիքներ» են, որոնց միջոցով իրականացվում է սպառման առարկաների արտադրությունը: Մ. Բունիաթյանը կրկնում է Բեմ-Բավերկի այն թեզը, թե «բարձրագույն կարգի բարիքները» ածանցյալ արժեք ունեն և կախված են դրանց միջոցով արտադրվող սպառողական բարիքների արժեքից: Նրա կարծիքով տեխնիկայի վրա հիմնված «արտադրության եղանակը» դրական կողմերի հետ միասին, ունի նաև իր թերություններ: Այն մեծապես նպաստում է «արտադրության աճին», բայց պահանջում է

²⁸ Бем-Баверк, Основы теории ценности хозяйственных благ, Л., 1929, с. 186.

²⁹ М. А. Бунятян, *նշվ. աշխ.*, էջ 120:

³⁰ Նույն տեղում, էջ 136:

³¹ Կ. Մարքս, Քաղաքատնտեսության քննադատության շուրջը, Երևան, 1948, էջ 196:

«նախնական... նշանակալից ծախսեր», որոնք հետագայում թեև արագացնում են «վերջնական արդյունքների արտադրությունը, բայց իրենք իրենց իրագործման համար պահանջում են ժամանակ և հաճախ բավական երկարատև»։ Հանգամանք, որը հանգեցնում է վերջնական արդյունքների արտադրության և արտադրության պրոցեսի ծախսան մոմենտի» միջև գոյություն ունեցող ժամանակի տարածքի մեծացմանը։ Արտադրության պրոցեսը երկարում է, քանի որ այն հաճախ տրոհվում է մի շարք միջանկյալ ստադիաների, որոնց միջոցով արտադրողական ուժերը «բյուրեղանում են վերջնական արդյունքներում»³²։ Մինչդեռ «փոխանակային տնտեսության համար արտադրության պրոցեսի այդպիսի երկարումն ունի այն մեծ անհարմարությունը, որ սպառողական և արտադրական բարիքների արժեքների կազմավորման գործոնների փոխադարձ կապը կտրվում է և արտադրությանը զրկում նրա ամբողջ ընթացքում արժեքի սկզբունքը խիստ վերահսկողության ենթարկելուց»³³։ Այսպիսով, ըստ Մ. Բունիաթյանի, արտադրության սկիզբը խարսխվում է բարիքների քանակի և դրանց անհրաժեշտության միջև հայտնի հարաբերակցությունից բխող՝ սպառման բարիքների արժեքի ու արտադրության վերջում ենթադրվող արժեքի վրա, որը հաճախ իրար չի համապատասխանում։ Բանն այն է, որ արտադրության և սպառման հավասարակշռվածության խախտման հետևանքով սպառողական բարիքների գների բարձրացումը, ինչպես գա տեղի է ունենում դեպրեսիայի վերջում, ձեռնարկատերերին դրդում է ավելացնելու այդ բարիքների արտադրությունը, որը ենթադրում է նոր գործարանների ու ֆաբրիկաների շինարարություն, արտադրության տեխնիկական վերազինում։ Սակայն վերելքի ժամանակ նախորդ տարիների արտադրական հզորությունների շահագործման հետևանքով խիստ ավելանում է սպառման առարկաների արտադրությունը, հանգեցնելով դրանց սահմանային օգտակարության իջեցմանը։ Իսկ քանի որ «բարձրագույն կարգի բարիքների արժեքը» տրոշվում է «առաջին կարգի» բարիքների արժեքով, հետևապես իջնում է նաև առաջինների հասարակական արժեքը։ Սպառման առարկաների արտադրության համար արտադրության միջոցների արտադրության պրոցեսի երկարությունը (Մ. Բունիաթյանը այս հարցում զուգահեռ է անցկացնում գյուղատնտեսական արտադրության հետ) հնարավորություն չի տալիս ժամանակին հարմարվելու հասարակական պահանջներին, խախտվում է արտադրության և սպառման համամասնական զարգացումը, ապագա պահանջների հաշվառումը³⁴, որը հանգեցնում է գերարտադրության։ Ինչպես արդեն նկատել ենք, Մ. Բունիաթյանը եթե մի կողմից դեպրեսիայից դուրս գալու ելքն աղերսում էր հիմնական կապիտալի նորացման փաստի հետ, ապա մյուս կողմից՝ սերտ կապ էր տեսնում ճգնաժամների և տեխնիկական կատարելագործությունների միջև³⁵։ Այդ պատճառով էլ, եթե, մի կողմից, նա տնտեսական ճգնաժամերը դիտում էր որպես կապիտալիզմին իմանենտ երևույթ, ապա մյուս կողմից՝ որպես ընդհանրական։ Եվ այսպես, եզրակացնում է Մ. Բունիաթյանը, «Անսահմանափակ կապիտալիզացիայի ենթակայության տակ գտնվող արտադրողական ուժերին ներհատուկ զարգացման ձգտումը մի կողմից և քիչ էքսպանսիվ սպառմանը համապատասխան արտադրության կրճատման անհրաժեշտությունը մյուս կողմից, դժվարացնում են տնտեսական կյանքի հավասարակշռվածության պահպանումը և առաջ են բերում նրա պարբերական վերելքներն ու վայրէջքները»³⁶։ Նկատենք, որ Մ. Բունիաթյանի շատ հարցադրումներ ու լուծումներ ընդհանրություններ են հայտարարում նույն ժամանակամիջոցում լույս տեսած ֆրանսիացի տնտեսագետ Ալբերտ Աֆտալյոնի «Գերարտադրության պարբերական ճգնաժամերը» աշխատության հետ³⁶։

³² М. А. Бунятян, *նշվ. աշխ.*, էջ 138:

³³ Նույն աեղում, էջ 130, 172—174:

³⁴ Նույն աեղում, էջ 140:

³⁵ Նույն աեղում, էջ 234, 267:

³⁶ Альберт Афталяон, Периодические кризисы перепроизводства, т. I, М.—Л., 1930; т. II, М.—Л., 1930.

Տնտեսական ճգնաժամերի հարցը մոնոպոլիստական կապիտալիզմի ժամանակաշրջանում ստանում է նոր մեկնարանություն: Արդեն XIX դ. վերջերին և XX դ. սկզբներին տնտեսագետներ Ռ. Ջոմբարտը, Ռ. Շտոլցմանը, Շուլցե-Գեվերնիցը, Ռ. Լիֆմանը, Ռ. Հիլֆերդենտը և շատ ուրիշներ մոնոպոլիաներին վերագրում էին այնպիսի տնտեսական ու սոցիալական ֆունկցիաներ, թե իբրև կապիտալի համակենտրոնացման ու մոնոպոլիաների զարգացման հետ վերանում են կապիտալիզմի ներհակություններ՝ ապահովելով արտադրության պլանաչափ զարգացումը: Այս հարցում Մ. Բունիաթյանի հայացքները հակասական են: Նա ճիշտ է նկատում, որ մոնոպոլիստական միավորումները, ինչպես և ազատ մրցակցության պայմաններում մանր արտադրողները, նույնպես ենթակա են կոնյուկտուրայի օրենքներին, որ դրանք չեն կարող վերացնել մրցակցությունն ու անարխիան, արմատական փոփոխություններ մտցնել «տնտեսական կյանքի էվոլյուցիայում» կամ խոչընդոտել գերարտադրության ճեղքանաժամերի առաջացմանը և կանխելու «տնտեսության ցիկլային զարգացումը»³⁷: Այնուհանդերձ նա չէր ժխտում, որ մոնոպոլիստական միավորները տնտեսական զարգացման պրոցեսներում առաջ են բերում «նոր գծեր» և «վերացնելով կամ սահմանափակելով մրցակցությունը» արտադրությանը տալիս են պլանաչափ բնույթ և վերականգնում «կապիտալիզացիայի և կապիտալիսպառման պրոցեսի միջև հավասարակշռությունը»³⁸:

Այսպիսին են տնտեսական ճգնաժամերի վերաբերյալ Մ. Բունիաթյանի հայացքները, որոնք տեղադրվում են դարասկզբի բուրժուական տնտեսագիտական մտքի տիրապետող հոսանքների ընդհանուր հայեցության մեջ, որն իր հարցադրումներով որոշակի կապ է հայտնաբերում արդի բուրժուական քաղաքատնտեսության հետ: Նրա տեսական արժարժումները հետաքրքրական են դարասկզբի հայ տնտեսագիտական մտքի և վերջինիս համաշխարհային տնտեսագիտական մտքի հետ ունեցած առնչությունների որոշարկման տեսակետից:

ВОПРОСЫ ТЕОРИИ И ИСТОРИИ ЭКОНОМИЧЕСКИХ КРИЗИСОВ В ИССЛЕДОВАНИИ МЕНТОРА БУНЯТЯНА

РОБЕРТ САРИНЯН

Резюме

Ментор Бунятян—один из известных представителей армянской экономической мысли начала XX в. В его научной деятельности этого периода занимают особое место вопросы теории и истории экономических кризисов. Считая экономические кризисы «поворотными пунктами циклического развития капиталистического хозяйства», он делает интересные замечания об особенностях, возникновении и течении денежных, кредитных, товарных, биржевых, спекулятивных, промышленных и аграрных кризисах.

Несмотря на противоречивость, воззрения М. Бунятяна представляющей определенный интерес с точки зрения определения сфер армянской экономической мысли и взаимосвязи последней с мировой экономической мыслью.

37 Մ. Ա. Բունյան, *Ելմ. աշխ.*, էջ 237—238:

38 Նույն տեղում, էջ 235—236: